



26. September 2019

UKA 2019/17
Aqqalu C. Jerimiassen

Uunga siunnersuut: Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. xx, xx. xxx 2019-imeersoq. (Sulinermut ilanngaata, akissarsiat Politiets Efterretningstjenestemik immikkut kukkunersuiinnermut ilaasut aamma soraarnerussutisiaqalernissaq siunertaralugu ileqqaakkat akileraaruserneqannginnerat)

(Aningaasaqarnermut Nunanilu Avannarlerni suleqatigiinnermut Naalakkersuisoq)

Sulinermut ilanngaata, oqaaseq aamma tusassallugu soqutiginarloq.

Nalilersorusunnarporli assut, qanoq ilumut sulerusussutsimut inunnullu sulilluareertunut iluaqutaasinnaanera.

198.000 – 386.000 kr.-it akornnganni isertitaqartuusuni annertussutsimik ataatsimik qaffasissuseqarnera neriummik nutaamik tunisisinnaagaluarpoq isertitakinnerpaartarisatsinnut, ukiumulli agguaqatigiisillugu aningaasaqarnikkut qaffariaataasussaq inummut ataatsimut 4.214 kr.-iutut inissinneqarsimatillugu eqqarsarnarsinnaavoq, ilumut taakkununga inoqutigiinnut akiligassatigut malinnaaniarnikkut oqilisaataasinnaajumaarnersoq, imaluunniit illuanik artukkiiginnaratarsinnaanersoq, naak isertitaqarnerulaaleraluarluni akiligassat assigiinngitsut tapiissuteqarnertalippanganik ingerlasut peerpata.

Toqqaannartumik aningaasaqarnikkut inummut ataatsimut nalilersorluarneqaaqqaartariaqartoq Atassummiik isumaqarpugut, tassami maanna suleriuseq allanngortinngikkaluarlugu taamannak sulinermut ilanngaammik ikkussiinnarnikkut akiligassat allat malinnaasussat nalilersorneqaaqqaarsinnaagaluarneriluunniit eqqarsaatigineqarsinnaasariaqarmat.

Imatut pingaarutilimmik aaliangiissatilluni, ulluinnarni inuit atugaasa pitsanngoriaatigisinnaasaanik suliaqassatilluni pingaartuuvortaaq takuniassallugu pisisinnaassutip qanoq eqqorneqartigisinnaanera. Siulianimi taareerneratuut aningaasat isertut ukiumut 4.000 kr.-it sinnilaarlugit qaaffariaataat inissisimatillugit, ukiumullu akissarsiat ilanngaatip ataatsip annertussusaa isertitani 200.000 kr.-ingajalluinnarnik nikingassusilinni akiligassanut annertussutsit tassani allarluinnaattaq atuutilersimasussaammata. Tamannalu pillugu ilumut takusassatut peqqaarusunnarpoq ukiumut agguaqatigiisillugu aningaasat pissarsiarinerusat ilanngaata atorlugu, qanoq annertutigisumik pisisinnaassutsimut qaffaataanersut apparsaataanersulluunniit.

Imaluunniimmi eqqarsaatigineqaannarsinnaassannginnerpa, taamannak allaffissornikkut annertuumik suliaqaatinut iperaanerunissaq siunnerfiuppat, sulinermut ilanngaatip atuutilersinnissaanniik inummut akileraarutit apparsaannarnissaa orniginarnerusoq? Soorunami



taanna qulequtaq allarluiinnaasinnaavoq, taamaattorli Atassummiik eqqarsaatigilaaqquarputtaaq periarfissap allamut sangutinneqaannarsinnaanera, tassuunakkummi pisisinnaassutsip toqqaannartumik kalluarneqarnissaa pisinnaammat.

Sulinermullu ilanngaammik pilersitsinerup mianernartorisinnaasaa tassaavoq, inuit ilinniaqqullugit oqariartortuarnitsinni aamma oqariartuutigilissagatsigu: “Ajunngilaq qaffasinnerusumik ilinnianggikkaluaruit, akissarsiat appasippata sulii akilersinnaammat”.

Naatsumik oqaaseqareerluta Atassummiik ataatsimiitsitaliamut susassaqtumut innersuupparput, ataatsimiitsitaliarlu sulilluarnissaanik kissaallugu.